

جَزَائِرِ مَحَاكِمِ

جمعه ایرتسی

نومرو ۱۰۸۷ صف ۲۵ سنه ۱۳۱۸ حریران ۱۰ سنه ۱۳۱۶ صحیفه ۱۵۲۵۹

(اشبو غزته بهر هفته جمعه ایرتسی کونلری بیقرار . من لکی در سعادت ایچونه مجیدیه بکرمی غروسه)
 (مسایله التمه غروسه . طشره لر ایچونه اوده بسه غروسه یوسنه اهرنی ضم اولنور . بهر)
 (نسو سی یه مجیدیه بکرمی غروسه اولو اوزره بوزیاریه هر برده صایلو . درج اوله جهو اعلوانک)
 (هر برنده بر مجیدیه اخذ اولنور . من لکه مشقری اولو استیاندلر عدلیه نظارتی داره مندره لائیه جبریده)
 (محاکم اداره سنه مراجعت ایملیدر .)

قسمت سومی

وفاتی حالنده با اراده سنیه مرعی اولان اصول
 ایجابجه اعلامات مذکوره بیورلدی ایله محاکم
 شرعییه لدی التبلیغ احکام مندرجه سی اجرا
 ایدلکده اولدینی کبی دیون شخصیه حقنده
 بوقیلدن اولان اعلامات نظامیه نک دخی اجرا
 دوا ترندن ویریله جک مذکره و نظارتدن
 یازیله جق تذکره اوزرینه بر بیورلدی سامی
 تسطیر و مقام والای مشیختنهای واسطه سیله
 متعلق اولدینی محکمه یه تبلیغ ایدیلرک احکامک
 تماماً اجرایی وطشره محاکم نظامیه سندن صادر

(بالعموم ولایات شاهانه استیناف محکمه سی)
 (مدعی عمومیلکترینه ومدعی عمومی بولنمیان)
 (محاکم مدعی عمومی معاونترینه یازیلان)
 (تحریرات عمومی صورتیدر)

دیون امیرییه حقنده محاکم نظامیه دن صادر
 اولان اعلامات ایله محکوم علیه اولان شخصک

اوله رق کسب قطعیت ایدن اعلاماتک انفاذ احکامی ضمننده اصحاب حقوقک در سعادته مراجعتلری موافق عدالت اوله میه جفتدن والیر طرفدن یازیله جق بیورلدی اوزرینه عاقد اولدینی محکمه جه کذلک معامله اجراسیه نک ایفاسی وشوقدر که مدیونک وفاتی اوزرینه ترکه سینه مراجعت ایدن دانسیرک بوجهله استیفای مطلوب ایتدکلرینه دار تحلیفلی تأمین وجدان ایله تأیید عدل وحقانیت ایده جک احوالدن اولسلیله سالف الذکر اعلامات نظامیه ایله محاکم شرعیه به مراجعت ایدن اصحاب مطلوبه حکام شرع طرفدن اووجهله یالکز برعین استظهار ویردیرلسی ومفلساً وفات ایدنلرک ترکه سی حقدنه محاکم شرعیه ایله محاکم نظامیه ارسنده کی اختلافه کلهجه مفلسک وفاتندن اول تجارت قانوننامه هایونی احکامی دأره سنده محکمه متعلقه سنجه اجرای معامله به مباشرت اولمش ایه چونکه قضاء دیون شرعا بین الورثه تقسیم میراندن مقدم اولسلیله اوکی مفلسک ترکه سینه محکمه شرعیه جانبندن مداخله اولمیه رق محکمه متعلقه سنجه افلاس معامله سینه دوام اولنسی وعکس حالده ترکه مفلسک محکمه شرعیه جه قاعده تحریر ایدلسی خصوصه مجلس مخصوص

قسم غیر رسمی

سیواس ولایتی هیئت اتهامیه سی ایله توقاد سنجانغی بدایت جزا محکمه سندن ویریلان قرارلرک یکدیگرینه مابین اولمسندن طولای تعیین مرجع دعوی طلبنی متضمن ولایت مذکوره استیناف محکمه سی مدعی عمومیلکندن ۲۷ کانون ثانی سینه ۳۱۴ تاریخلی تحریراته ارسال اولتان اوراق باش مدعی عمومیلک مأموریت علیه سنک ۳ مارت

سینه ۳۱۵ تاریخلی تبلیغنامه سی برلشدیریلرک محکمه تمیز اسدعا دأره سنده قرائت اولندی

اوراق مذکوره مآلترینه نظراً اماسیه بدایت محکمه سی جزا دأره سی رئیس عاکف بکک مخدومی لیب بکک ماده قتلندن طولای مظلون علیه اولان آراهیجی توفیقک توقاد بدایت محکمه سنده محاکمه سی اجرا اولمشق اوزره جنایتله اتهامه دأره هیئت اتهامیه دن اعطا قلنان مضبطه اوزرینه محکمه مذکوره جه جریان ایدن محاکمه ده خصوص مذکورک اجرای محاکمه سی اماسیه سنجانغی بدایت جزا محکمه سینه عاقد ایکن هیئت اتهامیه نک نقل دعوی صورتیه توقاد محکمه سینه تودیع کیفیت ایلسی مغایر قانون بولمش و محکمه مذکوره ایله هیئت اتهامیه قرارلری بیننده اختلاف وقوعوش اولدیغندن مرجع محاکمه نک تعیینی وققط مقتولک اماسیه جزا ریسنک مخدومی بولمسنندن ناشی بوصورت شبهی داعی اسباب مقبوله نظامیه دن اولمغله دعوانک دیگر مناسب بر محکمه نقلی خصوصلری محکمه تمیزه عاقد بولمش اولدیغندن مقتضای قانونیسنک ایفاسی بیان واشعار ومار الذکر تبلیغنامه ده دخی توقاد محکمه سی قراری مصیب وموافق قانون اولدینی

کبی نقل دعوی حقدنه کی طلبک دخی موافق نفس الامر کورلیدیکندن اصول محاکمات جزاییه قانوننک در تیوز اوتوز دردیجی ماده سینه توفیقاً دعوانک تنسب اولنه جق بر محکمه به نقلی لازم کله جکی ازبار اولمشدر

ایجابی لدی المذاکره اساساً جرم مدعیه اماسیه ده وقوعبولمش وهر جرهمک تحقیقات ومحاکماتی محلنده اجرا قلنه جفی مقتضیات احکام قانونیه دن بولمش اولمسنه وسیواس هیئت اتهامیه سنک توقاد محکمه سینه حواله کیفیت ایلسی صلاحیت قانونیه سی خارجنده اولدینی کی اخیراً مقتولک پدری بولسان اماسیه بدایت محکمه سی جزا ریسنک انفصالی وقوعیه یرینه دیگری تعیین بیورلمش اولدینی سجل قیود رسمیه سندن مستبان وبنابرین دعوانک دیگر محل محکمه سینه نقله بادی اوله جق داعی شبهه احوال دخی زائل اولمش اولسنه نظراً توقاد جزا محکمه سنک قراری وجهله دعوی مذکوره تحقیقات ومحاکماتک اماسیه سنجانغی بدایت جزا محکمه سینه عاقدینه ۱۳ مارت سینه ۳۱۶ تاریخنده متفقاً قرار ویرلدی .

قاضی قریه سنده اسکله جاده سنده نومرو سنز
دکانده ساکن بیراجی واسیل فلییدیس ایله
درسمعادته جسر عتیقه نومرو سنز دکانده
ساکن طاووقی لازاری ولد نیقولی بیتنده
متکون دعوایه دأر درسمعادت ایکنجی تجارت
محکمه سندن ۲۳ ایلول سنه ۳۱۵ تاریخی وایکوز
الهی طقوز عددی ایله ویریلان اعلام مرقوم
واسیل طرفندن تمیز ایدملکه اعلام مذکور
طرفینک اعتراض وجواب لایحه لرله بالمطالعه
تدقیقات تمیزیه اجراسنه ابتدار قلندی

اعلام مذکورک خلاصه مالی مزبور
طاووقی لازارینک مرقوم واسیل ذمتنده طاووق
بلیج ویمورطه اتمانندن غیراز استیفا اله جفی اولان
ایکییک التیوزیدی غروشک مع فائض تحصیلنه
دأر ایکنجی محکمه تجارتندن عن الغیاب صادر
اولان اعلام حکمنه مرقوم واسیل اعتراض
ایتمکله جریان ایدن محاکمه وجاهیه ده مزبور
لازاری ایله وقوعبولان اخذواعطا کندی نامه
اولیبوب پدری نامه اولدیغندن کندوسنه
خصومت توجه ایتیه جکی وکندی نامه وقوع
بولان معامله دن طولایی مدعی مزبوره برکونا
بورجی قالدیغنی بیان وانبایتمسی اوزرینه مرقوم

اولان اعلام مذکورک تصدیق استدعاسندن
عبارتدر

ایجابی مذاکره اولندقدده اعلام مذکور

مندرجاتندن منضم اولدینی اوزره مرقوم واسیل
انای محاکمه ابتدایه ده کندیسیدرینک
دستگاهداری اولدینی جهته اموال مذکورینی

مزبور لازاریدن پدری ایچون اشترا ایتدیکنی

وبوجهته کندوسنه خصومت توجه ایتیه جکی

سویلش اولدیغندن محکمه جه بوجهت بدرندن

سؤال ایدیلهرک اوغلی مرقوم واسیل فی الحقیقه

کندوسنک دستگاهداری اوله رق اجرا ایلدیکی

اخذ واعطایی کندو حسابنه اجرا ایلکده

اولدینی تصدیق ایدر ایسه خصومت اکا متوجه

اوله جقندن انک محکوم ایدلسی لازم کلور ایکن

بوجهت سؤال وتدقیق ایدلمکسزین مرقوم

واسیلک محکوم ایدلسی قانونه مغایر ومستدعینک

اعتراضی وارد وموافق نفس الامر اولدیغنه بناء

اصول محاکمه حقوقیه قانوننک وایکوز اوتوز

ایکنجی ماده سی موجبجه اعلام مذکورک نقصنه

وایکوز قرق دردنچی ماده سی حکمنه توفیقاً

کیفیتک اعلامه ربطی ضمیمه محکمه مذکوریه

اعاده سنه وزیرده مفرداتی محرر درتیوز سکنز

بجق غروش مصارف تمیزیه نک ایلروده حقسنز

چیفه جق طرفه رجوع ایتک اوزره اول امرده
مستدعی تمیز واسیلدن السنه ۲۸ کانون اول
سنه ۳۱۵ تاریخنده متفقاً قرار ویرلدی .

یوزغاد سنجاغنک بوغازلیان قضاسنه تابع

قانلوجه قریه سنده مقیم قبوقچی زاده محمد مصطفی

وقبوقچی زاده متوفی ابراهیمک صغیر اوغلی

شکرینک وصیسی قبوقچی زاده موسی ایله قضاء

مذکورک چوبلی قریه سنده مقیم کزیر حسن

اوغلی احمد ورسول اوغلی حسین پینلرنده

متکون دعوایه دأر یوزغاد بدایت محکمه سندن

۲ اغستوس سنه ۳۱۵ تاریخی والتمش اوج

عددی ایله استینافاً ویریلان اعلام مرقومان

محمد مصطفی وموسى طرفلرندن تمیز ایدملکه

باش مدعی عمومیک مأموریت علیه سنک مطالعه

نامه سی الهرق اعلام مذکور طرفینک اعتراض

وجواب لایحه لرله بالمطالعه تدقیقات تمیزیه

اجراسنه ابتدار اولندی

اعلام مذکورک خلاصه مالی مرقومون

قبوقچی زاده لک بدرلرندن انتقالاً ملک موروثلری

اولدینی اکلایسلان مذکور چوبلی چقلکی ابنه
واراضی و مشتملاتنه مرقومان احمد و حسین
طرفلرندن وقوعبولان مداخله نك منعنه داتر
بوغازلیان بدایت محكمه سندن صادر اولان اعلام
حكمنی مرقومان احمد و حسین عدم قبول ايله
استنفاً تدقیقی طلب ایتمش اولملریله یوزغاد
بدایت محكمه سنیچه اسباب قانونیه به منی اعلام
استدائینك فسخندن صکره جریان ایدن محاکمه
و کشف و تدقیقات استینافیه نتیجه سنده مستأنف
علیهم قیو قی زاده لر طرفندن ابراز اولسان بش
قطعه سند خاقانی به قارشو مستأنفان مرقومان
منازع فیه اراضی بی یتشیدی تاریخندن برو
احیا و مستأنف علیهم اغانه لرله مشترکاً
زراعت و حراثت ایتدکلرینی و خصملرینك
متغلبه دن اولملریله حق قراردن سند الدقرینی
بیان و ادعا ایتدکده ایسه لرده مستأنف علیهم
ادعالرینی رد و جرح ایدر صورتده احتجاجه صالح
یدلرنده برکونا اوراق اولدیغندن مستأنفلرک
سندات مذکوره نك حاوی اولدینی اراضی به
متعلق تصرف ادعالرینك ردینه و منازع فیه
ارضی مشتملاتندن اولان خانلر حقنده کی ادعایه
کلنجه بوکی املاک قیده و ویرکویه تابع اولدینی
جهتله مستأنفلرک بویابده کی تصرف ادعای

ابراز و استناد ایتدکلری ایکی قطعه ویرکو
قوجانیله ثابت اولدیغنه بناءً مستأنف علیهم
دخی مذکور خانلره اولان مداخله لرینك منعنه
حکمدن و مستدعیلرک اشیبو حکم علیهنده
لایحه لرنده محرر اعتراضلرینك باشلوجه سی
ماندره و صمانلق و چققی اقامته مخصوص خانه
کی ابنه لر بر چقلکک لوازمات ضروریه سندن
اولوب بر شیئه مالک اولان کسه نك انك
ضروریاتندن اولان شیئه دخی مالک اوله جنی
وتابع اولان شیئه آریجه حکم ویرله میه چکی
درکار ایکن قواعد اساسیه قانونیه به مغایر اوله رق
ویرکو قوجانلرینه بنای حکم ايله مذکور خانلر
حقنده کی مداخله لرینك منعنه قرار ویرلسی
مغایر قانون اولدیغندن بحثله اعلامك نفی
ولایحه جوابیه مؤداسی دخی اعتراض مذکورک
غیروارد اولدینی بیانیله ردی و اصول و قانونه
موافق اولان اعلام مذکورک تصدیق استدعاستندن
وسالف الذکر مطالعه نامه مندرجاتی دخی لایحه
تمیزیه درمیان اولتان اعتراضاتك موافق قانون
کوریه مدیکی بیاندن عبارت بولمشد

قوجانلرندن اکلایسلانی بیانیله انلره مستأنف
علیهم طرفندن وقوعبولان مداخله نك منعنه حکم
اولمیش ایسه ده مذکور خانلر مستدعی تمیزلرک
چقلکلری حدودی داخلنده اولدینی محكمه جه
تحقق ایتمشیکن مجرد ویرکو قوجانه استناداً
مدعی علیهلرک اولدیغنه حکم اولمسی و دفتر خاقانی
قیدنده کچک عهده سنده اولدیغنك تدقیق
ایدلامسی مخالف قانون اولدیغندن اصول محاکمه
حقوقیه قانوننك ایکوز اوتوز ایکنجی ماده سی
موجبجه اعلام مذکورک تقضه و قانون مذکورک
ایکوز قرق دردیجی ماده سی حکمنه توفیقاً
کیفیتك صور مشروحه دائره سنده بالرؤیه اعلامه
ربطی ضمیمه محكمه مذکوره به اعاده سته وزیرده
مفرداتی مرقم درتیوز طفسان الی بحق غروش
مصارف تمیزیه نك ایلروده حقسز خیفه جق طرفه
رجوع ایتك اوزره اول امرده مستدعیلرک
اخذیه ۱۰ شباط سنه ۳۱۵ تاریخنده متفقاً قرار
ویرلیدی .

ازمیرده سر ویلی خنده مقیم تحارندن
اندونا کی نیقولاییدی ايله ازمیرده نطاله زقاغنده

متمکن معلم نیقولایندر یاوا کی پیننده محدث
دعویه داتر آیدین ولایتی استیناف محكمه سندن
۲۵ تشرین اول سنه ۳۱۵ تاریخی و قرق درت
عددی ايله ویریلان اعلام مرقوم اندونا کی
نیقولاییدی طرفندن تمیز ایدلمکله اعلام مذکور
یالکیز مستدعینك اعتراض لایحه سیله بالمطالع
تدقیقات تمیزیه اجراسنه ایتدار قلندی

اعلام مذکورک خلاصه مالی مرقوم
نیقولایندر یاوا کی ايله مرقوم اندونا کی پیننده محدث
دعویه داتر از میر بدایت محكمه سندن صادر
اولان اعلام حکمنه مرقوم اندونا کی عدم قناعتله
اعطا ایلدیکی استیناف عرضحالنك محكمه جه
قرائتی متعاقب مستأنف علیه میرز تبلیغ علم و خبری
موجبجه استدعای مذکور مدت قانونیه نك
مهورندن صکره ویرلش اولدیغندن ردینی
و مستأنف دخی اعلام مستأنف بهك خرجی
طرفندن ویرله رک بالاخذ استیناف دعوی
ایدلایکندن بونده مدت استیناف جریان
ایتمه چکنی و بویابده محكمه تمیزك متعدد مقرراتی
بولدیغنی بیان و افاده ایتمش ایسه ده جریان ایدن
محاکمه و تدقیقات نتیجه سندن محكمه تمیزك مقرراتی
مستأنف علیه طرفندن تبلیغ معامله سی اجرا

اولمفسرين مستأنف طرفدن بالاخذ استيناف دعوى ايدليكي صورتده مدت استيناف جريان اتميه جكي خصوصندن عبارت اولوب بونده ايسه تبليغ معامله سي اجرا قلمش اولديني جهته مدت استيناف جريان ايدم جكنه واستيناف استدعاسي ۴ تشرين اول سنه ۳۱۵ تاريخنده اعطا ايديلوب اعلام مستأنف به ايسه مستأنف مرقومه ۴ تموز سنه ۳۱۵ تاريخنده تبليغ ايدليكي مبرز تبليغ علم و خبرندن اكلا شلقده اولديغه نظراً عرضحال مذكور مدت استينافك مرورندن صكره اعطا ايدلمش اولديغه بناءً اصول محاكمه حقوقيه قانوننك يوز سكسان بشيحي ماده سي موجبجه استيناف استدعاسنك ردينه حكمدن ومستدعي تميزك اشبو اعلام عليهنده لايحه سنده محرر اعتراضاتنك باشلوجه سي اعلام مستأنف بهك خرجني كندى ويرمرك بالاخذ خصمه تبليغ استيرديكي مصدق تبليغ علم و خبريله مثبت ايكن محكمهجه بوراسي نظر دفته النيمه رق بروجه محرر حكم اولنمسي يولسر ومغاير قانون اولديغندن بحمله اعلام مذكورك نقضى استدعاسندن عبارتدر

ايجابي مذاكره اولندقدده اعلام مذكور مآلندن مستبان اولديني اوزره مدت استينافك

مرورينه بناءً مستأنف بولنان مرقوم اندونا كينك رد استدعاسنه قرار ويرلمش ايسده مدت استينافك اعلام خرجي حقل چيقان طرفدن ويريله رك حقسر چيقان طرفه تبليغ ايدليكي تاريخندن بدأ ايدم جكي احكام قانونيه اقتضاسندن اولسنه وبوخصوصده ايسه اعلام مستأنف بهك خرجي حقسر چيقان مرقوم اندونا كي طرفدن ويريله رك النمش اولسنه وبوايسه مدت استينافك جرياننه سبب اولميه جفته نظراً محكمه استينافيهجه معامله مسرودهيه استناداً مدت استينافك كچديكنه حكم ايدلمسي مخالف قانون اولديغندن ومستدعيتنك اعتراضاتي بوجهته متدار اوله رق موافق نفس الامر كورلديكنه بناءً اصول محاكمه حقوقيه قانوننك ايكوز اوتوز ايكنجي ماده سي موجبجه اعلام مذكورك نقضيله قانون مزبورك ايكوز قرق دردنجي ماده سي حكمه توفيقاً كيفيتك بالرؤيه اعلامه ربطى ضمننده محكمه مذكورهيه اعاده سنه وزيرده مفرداتي مرقم اوچيوز اللى اوچ بحق غروش مصارف تميزيه نك ايلروده حقسر چيقه جق طرفه رجوع ايتك اوزره اول امرده مستدعدين النمنه ۳۱ كانون ثاني سنه ۳۱۵ تاريخنده متفقاً قرار وىلى .

خداوندكار ولايتي داخلنده عشاق قصبه سنك حاجي حسن محله سنده مقيم حاجي اسماعيل اغا ايله قصبه مذكوره نك صباح محله سنده ساكن اسماعيل افندي پيننده متمدت دعوايه دائر عشاق بدايت محكمه سندن ۱۸ كانون ثاني سنه ۳۱۴ تاريخني ويوز عددى ايله ويريلان اعلام مرقوم حاجي اسماعيل اغا طرفندن تميز ايدلمكله اعلام مذكور طرفينك اعتراض وجواب لايحه لريله بالمطالعه تدقيقات تميزيه اجراسنه ابتدار قلندى

اعلام مذكورك خلاصه مالى مومى اليه اسماعيل افندي كندوسنك قصبه مذكوره جوارنده صغيربولى نام محلهه كآن متصرف اولديني اراضيسنه تيمور بولى تصادف اتمسيله معلوم المقدار مترو محلى اوچيك يوز قرق درت غروش بدل ايله شمندوفر اداره سنه فروخت ايدرك اداره مذكوره قوميسرلكي طرفندن مبلغ مذكورك مومى اليه حاجي اسماعيل اغايه تسليم ايدلمكله ذمتنده اولديغني مدعى عليه اغاي مرقوم مجلس اداره قضا هيئتي حضورنده اقرار ايدوب اولوقت تحت كفالت دخی النمش اولديني حالده هنوز تسويه دين ايتديكندن مبلغ مزبورك مع مصارف محاكمه تحصيلني طلب ودعوى

ايتمنه قارشو مدعى عليه حاجي اسماعيل اغا دخی ذكر اولنان ايقه ادارهيه صاتمش اولديني كندو اراضيسنك بدلى اولديغني ومدعيتك صاتيلان اراضيسنك بدلى كندوسى الميوس مذكور بدلك شمندوفر قوميسرى نژدنده قالدیغنی مدافعة درميان ايتلمرى اوزرينه محكمهجه جريان ايدن محاكمه و تدقيقات نتيجه سنده مبلغ مدعايه مدعى عليهك ذمتنده قالدیغنی اداره مذكوره نك استملاك قوميسرى طرفندن رسماً بيلديرلديكي كچي مرقوم حاجي اسماعيل اغانك مجلس اداره حضورنده دخی اقرار واعتراف ايلش اولمسيله اولوقت تحصيلي ايجون ضابطهيه حواله قلنديني اكلا شلمش اولسنه بناءً محله نك بيك سكز يوز اون سكزنجي ماده سي احكامنه توفيقاً مذكور اوچيك يوز قرق درت غروشك مرقوم حاجي اسماعيل اغادن بالتحصیل مدعى اسماعيل افندييه تسليمه حكمدن ومستدعي تميز مرقوم حاجي اسماعيل اغانك اشبو حكم عليهنده لايحه سنده محرر اعتراضاتنك باشلوجه سي مدعيتك مبلغ مدعايهي شمندوفر اداره سندن ارامسى لازم كلورايكن كندوسندن طلب ودعوى ايتمنى موافق قانون اولديني وبوابده كندوسنه خصومت توجه ايتديكي حالده محكمهجه كندوسنه توجه خصومت

ابتدیریلرک مبلغ مذکورک تحصیلنه حکم ایدلسی
بولسز و مخالف قانون اولدیغندن بختله اعلام
مذکورک قضی استدعاسندن و مدعی علیه
اسماعیل افندیگن جواب لایحه سی مؤداسی دخی
سرد اولنال اعتراضاتک واهی اولدیغنی بیانیه
ردی و موافق اصول و قانون اولان اعلام
مذکورک تصدیق طلبندن عبارت بولمشد

ایجابی مذاکره اولدقدده اعلام مذکور
مطالعہ سندن اکلاشدیغنی اوزره مدعی اسماعیل
افندیگن شمدوفر اداره سندن النان اراضیسنگ
مدعی مرقومک اداره مذکورده دن طلب ایتمی
لازم کلور ایکن حق طلب و خصوصتک شمدوفر
اداره سندن مستدعی تمیز حاجی اسماعیل اغایه
انتقالی ایچون قانوناً ایجاب ایدن اسبابک
موجود اولوب اولدیغنی حکمه جه بالتدقیق
اراهه سی لازم کلوب انتقالی موجب اسباب
اولدیغنی صورتده مدعینک طوغریدن طوغری به
شمدوفر اداره سنه مراجعت ایتک اوزره
اولباده کی ادعاسنگ ردی ایجاب ایدر ایکن
حکمه جه بویولده اجرای معامله ایدلماسی بولسز
ومغایر قانون اولدیغندن اصول محاکمه حقوقیه
قانوننک ایکوز اوتوز ایکنجی ماده سی موجب
اعلام مذکورک نقضیه قانون مذکورک ایکوز

قرق دردیجی ماده سی حکمنه توفیقاً کیفیتک بالرؤیه
اعلامه ربطی ضمتده محکمه مذکوریه اعاده سنه
وزیرده مفرداتی مرقم اوچوز سکسان سکز
بچق غروش مصارف تمیزیه نک ایلروده حقسز
چقجه جیق طرفه عائد اولمق اوزره اول امرده
مستدعی تمیزدن التمسنه ۲۵ ایلول سنه ۳۱۲
تاریخنده متفقاً قرار ویرلدی .

اکین قصبه سنده مقیم متوفی ابراهیم افندی
ورنه سندن خلیل افندی و همشیره لری خدیجه
و فاطمه خانملرله کدک پاشاده دیوان عالی محله سنده
نومروسر خانه ده ساکن درسعادت استیناف
حقوق محکمه سی باش کاتبی مظهر بک بنسارنده
متکون دعویه دأر محکمه استیناف حقوق
قسمندن ۴ تشرین اول سنه ۳۱۵ تاریخی و یوز
سکسان اوچ عددی ایل ویریلان اعلام مومی الیم
خلیل افندی و همشیره لری جانبندن تمیز اولمغله
اعلام مذکور طرفینک اعتراض و جواب
لایحه لرله بالمطالعہ تدقیقات تمیزیه اجراسنه ابتدار
اولندی

اعلام مذکورک خلاصه مآلی ورته
مومی الیم خلیل افندی و همشیره لری خانملرک
درسعادتده محمود پاشا محله سنده جامع شریف
حولیسنده مشترکاً متصرف اولدقلری معلوم الحدود
بش نومرولی برباب قهوه خانه نک بدل ایجارندن
برقطعه سند موجبجه مومی الیه مظهر بک ذمتده
اله جقلری اولان غیراز استیفا التییک بشیوز
یکرمی غروشک مع فائض تحصیلنی درسعادت
بدایت محکمه سی برنجی حقوق دائره سنده طلب
ودعوی وسند مذکورى ابراز واعطا ایتلری
ومحمد ضیا افندی دخی شخص ثالث صفتیه
باصحیح حال داخل دعوی اوله رق منازع فیه
دکاک اساساً مستأجری کندوسی اولوب مقدا
مدعیلرله بنسارنده برحسابدن طولای منافرت
ظهور ایدرک اوسنه کندوسنه مذکور دکافی
قونطورات ایتیه جکلرینه دأر وقوعبولان قسملری
اوزرینه مستأجر حقیقی کندوسی طائلق شرطیه
مستعاراً اوچوز اون ایکی سنه سی قونطوراتوسی
کفیلی اولان مومی الیه مظهر بک نامنه تنظیم
اوله رق بدل اجورات مومی الیه طرفندن
تسویه ایدیلرجه سنه کندیمی طرفندن کاکان
تسویه ایدلمش اولدیغنی وانکارلری حالنده اثباته
حاضر اولدیغنی و مدعی علیه مظهر بک حقنده

ترتب ایده جک حکم کندیسنی اضرار ایده جکی
کبی بالذات وبالواسطه ورته کبی تسلیماتی
اولدیغندن بختله کندوسنگ دخی داخل دعوی
ایدلسنی طلب و دعوی ومدعیلر ایسه مذکور
قهوه خانه یی ۱ نیشان سنه ۳۱۲ تاریخندن اعتباراً
برسنه مدت وشهری اوچوز یکرمی غروش
بدل ایجار ایله با حجت شرعیه وکیللری پترو
طرفندن مدعی علیه مظهر بک ایجار اولمش
وبوکا محسوباً اوچیک اوچوز قرق بدی
غروش استیفا اوله رق متباقی درتیوز طقسان
اوچ ومدت ایجارک انقضاسنده مأجور مذکورى
تخلیه ایتامش اولدیغندن طولای حین تخلیه دکن
بر موجب مساو له یومیه اون بشر غروشندن
تراکم ایدن بشیک قرق بش غروشکه جمعاً
بشیک بشیوز اوتوز سکز غروشه محسوباً
اخیراً بیک یکرمی غروش اخذواستیفا اوله رق
متباقی درتیک بشیوز اون سکز غروش
وبرقطعه سند موجبجه آروجه اله جقلری اولان
ایکییک غروشک اخذینه موفق اوله مامش
اولدقلرندن من حیث المجموع التییک بشیوز
اون سکز غروشک مع فائض مومی الیه مظهر
بکدن تحصیاتی ادعا وبرقطعه قونطوراتورقه سیله
برقطعه سند ابراز واعطا ایتلرینه قارشو

مدعی علیه مظهر بك دخی مبرز اوراق زیرلرند
موضوع مهر کندوسنك ايسهده بونلردن
ایکييك غروشلق سند کفالتی حسیله دخی
اولوب حسب الکفاله تأديه ایدیلرک سند
مذکور مدعیلرک نزدنده قالدیغنی وبوندن طولای
ادعایلرینک ردی ایجاب ایدمچکی کبی اساساً
منازع فیه دکانک مستأجری شخص ثالث مرقوم
ضیافندی اولوب کندوسنك اكا کفیل اولدیغنی
وشخص ثالث ادعاسی وجهله نامنک نام مستعار
ایدوکنی ویاخود کندوسنه تسلیم اولمادیغنی
وبوندن طولای مدعیلرک شخص ثالث علیهنده
اقامه دعوی ایلملری لازم کلهجکنی مدافعه
سویلکدن وشخص ثالث ضیافندی دکعوايه
دخالته موجب سبب قانونی کوريله مدیکندن
داخل دعوی غرضالته ردی قرار کیر اولدقدن
صکره جریان ایدن محاکمه وتدقیقاده مدعی علیه
مومی الیه مظهر بك ختام مدندن صکره مأجور
مذکورک یومیه اجرتی اون بش غروش اولق
اوزره اجاره مضافه الیه عقد مقاوله ایدلیدی
مبرز مقاوله نامه مندرجاتندن مستبان اولمش
واشبو مقاوله اصول محاکمه حقوقیه قانوننک
سکسانجی مادهسی موجبجه معتبر بولندیغنی
درکار بولنمش اولدیغنی حالده مدعی مبلغ مذکورک

ذکر اولسان دکان ۱ نیشان سنه ۳۱۲ تاریخی
قونطوراتو ايله مستأنف مظهر بکه ایجار
اولندیغندن تراکم بدل ایجارک مومی الیه مظهر
بکدن تحصیل خصوصندن ومظهر بکک مدافعانی
دخی مستأنف علیهمله مستأجر ضیافندی بیننده
تحدث ایدن نزاع کندوسنك وساطتی واولبابده کی
قونطوراتوی مستعاراً امضا ایتسیله برطرف
اولهرق دکان کماکان ضیافندی تحت اشغال
واستجارنده قالمش حتی وکیل پترو طرفندن
نزاعک صلحاً برطرف اولدیغنی متضمن تاریخ
قونطوراتودن یکریمی برکون صکره متقابلاً
ویریلان ۲۲ نیشان سنه ۳۱۲ تاریخی سندده
ضیافندی صفتی قبول وتصدیق قلمش
اولدیغنه وعقد اجارهده غایه مقصود استیفای
منفعت اولوب عقد مطلق ايله اجاره لازم کلهجکی
مجله احکامندن اولوب بنابرین بوبابده کندوسنه
خصومت توجه ایتیهجکی بیانندن عبارب بولنمش
حالبوکه مجله نک مواد مخصوصهسی موجبجه عقد
مطلق ايله اجرت لازم کلیوب کرا وقت تسلیمدن
اعتباراً ایشلیهجکندن مجرد قونطوراتو تنظیمی
مأجورک تسلیم اولدیغنه مدار اثبات اولمیهجنی
کبی وکیلک مأجوردن رفع ید اولندیغنه متدار
اولان افادهسی دخی تسلیمه دلالت ایتیهجکنه

واعلام مستأنف بده مندرج اولایغنی اوزره
۲۲ نیشان سنه ۳۱۲ تاریخی ورته وکیلی پترو
آرو مهرلی سندده مستأجر ضیافندی ايله
مؤکلری بیننده کی منازعه نک صلحاً تسویه
اولندیغنی محرر اولسنه وکیل نافذ اقدینک سند
مذکور قارشو اشبو سند عقد ایجاردن
مؤخر وشخص ثالث مستأجر اولهرق قبول
ایدلیدی کوسترمکده اولدیغنی زمینده کی بدایه
سبق ایدن افاده سنه نظراً قونطوراتونک تنظیمدن
یکریمی برکون صکره دکانده ضیافندی مستأجر
اقامت ایتکده اولدیغنی معترف ومحقق بولندیغنی
حاله بونک عکسنه ملابس ادا شایان التفات
اولمیه جغه بناء دعوانک صورت جریانی
اعتبارله نقصانی تدقیقانه مستند بولنان حکم
ابتدائی فسخ اولدقدن صکره وقوع تسلیمی اثبات
ایتمی مستأنف علیهمه تفهیم اولدقدن
بعد الاستحصال قونطوراتونک انشای تنظیمده
حاضر اولدقلری جهته تسلیمی اثبات
ایدهمیهجکربی بالیان اثباتدن اظهار مجزله
طالب تحلیف دخی اولمیهجقلربی سوبلش
وبناء علیه محاکمه جاریه نک نتایج طبیعه سندن
اولان حق تحلیفی استعمال ایتامش اولدقلرینه
بناء مجله نک بیک سکزیوز اون طقوزمچی

ماده سی موجب مستأنف علیهمک بدل ایجار طلیله مستأنف مومی الیه قارشو واقع اولان معارضه لرینک منعه وضیافندی به جهت تعهدندن طولایی مستأنف مبرز سنده تدین ایدوب طرفیجه منازع فیہ اولیان ایکیک غروشه محسوباً قبض اولدینی اول و آخر اعتراف اولنان بیک یکر می غروشک بالتزیل متباقی طقوز یوز سکسان غروشک مستأنف مومی الیهن تحصیلنه حکمدن و مستدعی تمیزلرک اشبو حکم علیهنده لایحه لرنده محرر اعتراض لرینک باشلوجه سی منازع فیہ قهوه خانه بی مومی الیه مظهر بک برقطعه رسمی قونطوراتو ایله استیجار ایدرک زیر ورقه بی تمهیر ایلدیکنی و تخلیه دعواسنک محاکمه سی اناسنده مأجور مذکور بعدالدعوی وکیل عمرافندی به تسلیم ایله رفع بد ایلدیکنی مظهر بک وکیلی محمود رفیق افندی دخی بیان و اعتراف ایتمش ایکن عند الاستیناف بورالری نظر اعتنایه التخصمین بوجه محرر قرار ویرلمسی یولسز و مغایر قانون اولدیغندن بمثلله اعلامک نقضی استدعاسندن ومدعی علیه مظهر بک لایحه سنده مندرج نتیجه جوابی ایسه اعتراضات مسرووده نک واهی و بی اساس اولدینی بیانیله ردی و موافق اصول

وقانون اولان اعلامک تصدیق طلبندن عبارت بولنشدر

ایجابی مذاکره اولدقدده اعلام مذکور مطالعه سندن مفهم اولدینی اوزره بدایت محکمه سی اعلامنده مندرج رسمی قونطوراتو ورقه سی مألنه نظراً مومی الیه مظهر بک مأجور مذکور ی تسلیم ایتمش اولدینی محرر اولفله برابر بدایت محکمه سنده میر مومی الیهک وکیلی رفیق بک دخی مؤکلی مدت ایجارک ختامنده یعنی اوچوز اون اوچ سنه سی نیساننده مأجوری عاقد بولنان بترویه تسلیم ایتمدیکنی اقرار ایش و بواقرار دخی تسلیم وقوعنی مؤید بولنش ایکن عند الاستیناف بورالری نظر اعتنایه التخصمین موجرلرک منع معارضه لرینه قرار ویرلمسی یولسز و مغایر قانون اولدیفنه و مستدعیلرک اعتراضی دخی بوجهته متدائر اوله رق شایان قبول بولدیفته بناءً اصول محاکمه حقوقیه قانوننک ایکوز اوتوز ایکنجی ماده سی موجب اعلام مذکورک نقضیه قانون مذکورک ایکوز قرق دردیجی ماده سی حکمنه توفیقاً کیفیتک صور محرره دائره سنده بالرؤیه اعلامه ربطی ضمننده قسم مذکوره اعاده سنه وزیرده مفرداتی مرهم درتیوز اون غروش مصارف تمیزیه نک ایلروده حقسن

چیه جق طرفه رجوع ایتمک اوزره اول امرده مستدعیلردن النسنه ۵ شباط سنه ۳۱۵ تاریخنده متفقاً قرار ویرلدی .

اعلان

صراف سیانک سعادتلو احسان بک افندی ذمتنده محکومیه الهجفی اولان مبالغک تأمین استیفاسی ضمننده مدیون مومی الیهک عهده تصرفنده بولنان روم ایلی حصارنده حاجی کمال الدین محله سنده تربه زقاغنده واقع یکر می برنومرولی و دروننده برماصوره مالدیندی اون اوطنه وایکی سالون و بر مقدار باغچه بی حاوی برباب ساحلخانه ده متصرف اولدینی نصف حصه شایعه سنک حجریله فروختی تحت قراره النمش اولدیغندن تاریخ اعلاندن اعتباراً اون بش کون صکره بالمزایده فروخته تشبث اوله جفی بک اوغلی اجرا مأموریتی جانبندن اعلان اولنور .

۱۶ مایس سنه ۳۱۶

عمر اغانک شریف پاشا زاده عاطف بک ذمتنده با اعلام الهجفی بولنان مبالغک تأمین استیفاسی ضمننده تحت حجزه النان اسکدارده التوفی زاده محله سنده سید احمد دره سنده برطرفی چایراوکی بوستانی و برطرفی حسن بک بوستانی و برطرفی مقابر مسلمین و طرف رابی طریق عام ایله محدود اون ایکی نومرولی برقطعه ترلانک درت حصه اعتباریله والده سی نفیسه خانمندن ارثاً انتقال ایده جک بر حصه شایعه سی عند المزایده لیرا یوز غروش حسابیله اوچیک بشیوز غروشده طالبی عهده سنده تقرر ایدرک تاریخ اعلاندن اعتباراً بر ماه ختامنده قرار قطعیسی ویریله جکی جهته یوزده بش ضمیمه زیاده طالب اولانلرک مدت مذکور ظرفنده اسکدار اجرا دائره سنه مراجعت ایللری اعلان اولنور .

۱۷ مایس سنه ۳۱۶

اسکدارده سلمان اغا محله سنده ساکن یاغجی اصنافندن پانده لینک جهت کفالتدن دینی بولنان

مبالغك تأمين استيفاسي ضمننده محل مذ كورده
ياغخانه زقاغنده واقع بر طرفي زنجيرلي خان ايله
هاجي ارتين عرصه سي وديكر طرفي بات پازاري
ارقه جهتي وديكر طرفي اسكدار بدستاني و طرف
رابعي طريق عام ايله محدود و دروننده بر عدد
صوصام ماكنه سي و اوچ او طه و برقيو وينه
طلوبه لي ديكر قيو و بر حلاسيه درت عدد كيك
وصمان قويق ايجون بوله و تحتنده دخی بش
اون عدد بار كير باغلنور اخور محلي و بر عدد
طحن اعمال اولنه جيق طاشي حاوي متصرف
اولدني ايكي نومرولي ياغخانه نك بتون كدكي
تاريخ اعلاندن اعتباراً اون كون صكره بالمزايده
فروخته مبادرت اولنه جني اسكدار اجرا
دائرة سندن اعلان اولنور .

۲۸ مایس سنه ۳۱۶

طاشي اوغلي نيقولينك حسين عوني افندي
ذمتنده محكوم به اله جني اولان مبالغك تأمين
استيفاسي ضمننده بك اوغلنده حسين اغا محله سنده
جنتمكان سلطان بايزيد خان ولي وقفندن كر چخانه
زقاغنده بش ویدی نومرولي خانه لرده مديون
مومي اليهك متصرف اولدني ربع حصه سنك
حجزيله فروختي تحت قراره التهرق لیدی المزايدة
التيسيك غروش التون اچه بدل ايله طالبي
عهده سنده تقرر ايتمش اولديغندن تاريخ اعلاندن
اعتباراً او توز بركون طرفنده يوزده بش ضميمه طالب
اولانلرك بك اوغلي اجرا دائرة سنه مراجعت
ايتلمري و او توز برنجي كوني دخی مذ كورخانه نك
پيشكاشنده حاضر بولنلمري دائرة مذ كوره اجرا
مأموريقي جانبندن اعلان اولنور .

۳۱ مایس سنه ۳۱۶